

Zeljković: Sud konačno počeo raditi svoj posao

Do sada nije bilo zapljena i sve se rješava sudskim nalogima, blokiranjem računa, tvrdi čelni Toplana Suad Zeljković

Godinama se dug stanovnika Sarajeva prema Toplanama gomilao, a službe koje su odgovorne za naplatu potraživanja nisu svoj posao radile. Tek kada je dug građana prema Kantonalnom javnom komunalnom preduzeće Toplana dosegao cifru od 61 milion KM, Općinski sud Saraje-

vo je odlučio formirati dva isturena odjeljenja koja se bave isključivo komunalnim potraživanjima.

- Godinama se loptica odgovornosti za naplaćivanje dugovanja prebacivala, a dug se gomilao. Mi smo preko naše pravne službe uspjeli pripremiti sve predmete, pa čak i



Zeljkić: Nema gomilanja tužbi

skladište za eventualne zaplijenjene pokretnine, ali Sud je svoj posao kako treba počeo raditi tek u posljednjih šest mjeseci - rekao je za «San» Suad Zeljković, direktor sarajevskih Toplana koji ne krije zadovoljstvo posljednjim dešavanjima.

- Na svu sreću građani nam dolaze sami i žele platiti svoja dugovanja. Do sada nije bilo zapljena i sve se

rješava sudskim nalogima, blokiranjem računa i slično. Najvažnije je da sav trud ima efekta i da se dugovanja smanjuju - tvrdi Zeljković.

Prema Zeljkovićevim riječima Sud je kao jedan od razloga zašto ranije nisu započeli sa ovakvom praksom navodio socijalnu politiku, ali istovremeno se sudska taksa morala plaćati.

E. Z. B.

